

四庫全書

史部

欽定四庫全書

史部
欽定盛京通志卷八十五

少詹事_臣曹城覆勘

總校官編修_臣朱鈴

欽定四庫全書

欽定盛京通志卷八十四

忠節

三

國朝

鑲黃旗滿洲

正黃旗滿洲

正白旗滿洲

正紅旗滿洲

欽定四庫全書

欽定盛京通志卷八十四

忠節

三

國朝

鑲黃旗滿洲

納爾察姓鈕祜祿鑲黃旗滿洲以軍功授騎都尉世職在十六章京之列戊申歲從征烏拉攻伊犁罕阿林城先登擢副都統尋攻沙嶺以不待集師

奮勇陷陣歿

卹贈輕車都尉順治十二年追謚端莊

覺羅拜山隸鑲黃旗滿洲

景祖第五弟包朗阿之曾孫也天命六年從征明攻瀋陽

斬其驍將號禿尾狼者明兵自城悉衆來戰復斬

一副將降其衆既克遼陽授三等輕車都尉世職

天聰元年從攻錦州不下環守之復移師往攻寧

遠錦州兵潛出躡我軍後拜山與佐領巴布爭先

還擊奮力鏖戰歿於陣

太宗親臨其喪酌酒哭之

賜人戶牲畜贈三等男子顧納岱襲爵崇德三年從征明
敗明兵於山海關追奔至豐潤又敗之時我軍有
出取芻束者為敵所乘顧納岱馳往奮擊援衆以
歸至山東攻博平克之晉爵一等男順治元年以
護軍統領隨睿親王多爾袞入山海關擊敗流賊
李自成兵十月復隨豫親王多鐸追流賊至陝州

克潼關破西安叙功加一雲騎尉從下江南趨浙
西戰於嘉興三戰三捷從征騰吉思敗喀爾喀兵
晉子爵世職五年從討江西叛鎮金聲桓至九江
大破之進攻南昌中礮歿於陣

恩卹一等子

命其子莫洛渾襲莫洛渾厯官一等侍衛順治十七年授
叅領從安南將軍達素討海寇鄭成功攻廈門力
戰沒康熙二年

聖祖念拜山顧納岱皆陣亡莫洛渾又以戰歿

嘉其世篤忠貞

特贈莫洛渾三等伯立碑墓道謚剛勇

圖魯什姓伊爾根覺羅隸鑲黃旗滿洲以世職管
牛录事天聰三年從征明攻大安口圖魯什先至
城下力戰克其城大軍進薄明燕京營西南隅復
令與副將阿山覘明師時明經略滿桂督黑雲龍
麻登雲孫祖壽諸鎮兵營永定門外環營結柵列

礮數重以拒圖魯什偵其兵囂請乘夜進戰

太宗從之遂以精騎四面蹙桂營斬桂及祖壽於陣縛雲
龍登雲以歸五年八月從攻大凌河城九月薄錦
州明兵備叅政張春監總兵吳襄宋偉軍來援距
大凌河十五里而陣鋒既交火器競發聲震天地
大凌河城中聞礮聲潛縋城出欲渡河合春軍圖
魯什分兵擊走之復馳還擊襄軍襄遁春不能軍
是夕春收潰衆再戰兩軍相持戰方酣圖魯什麾

兩燾突騎蹂春軍大破之偉亦遁俘春及叅將以
下三十三人超擢前鋒統領加三等男八年從征
察哈爾至歸化城收其降人一千二百戶還師入
大同拔得勝堡畧宣府懷遠設伏於左衛城擊敗
明總兵曹文詔會明總兵祖大弼赴救圖魯什馳
單騎擊其軍飛矢中腹力戰不休我兵繼至大弼
敗去圖魯什以創重卒于軍初圖魯什以戰勝功
賜號碩翁科羅巴圖魯至是陣亡贈三等子世職順治十

二年追謚忠宣

超哈爾額亦都第十三子也少從征伐屢以功授
騎都尉世職天聰元年偕佐領納海巴雅彰屯齊
詔赴明邊界徧諭喜峯口滿家口董家口諸將吏還遇戍
卒邀戰擒斬百餘人進護軍叅領崇德元年從武
英郡王阿濟格征明抵明燕京城北奪取其巨礮
明兵來拒轉戰至盧溝橋連敗之二年擢議政大
臣

太宗諭曰嘉爾一心事主用擢爾以旌忠爾勉之其益

抒誠佐國政三年授禮部叅政從睿親王多爾袞入青
山口會師涿州分兵攻任邱穴地墮其城趙趙北
口明兵陣於河之南毀橋梁以阻我師超哈爾乃
自河西出間道襲其後大破之遂畧山東克濟南
明年春旋師敗敵于太平寨五年轉兵部六年從
鄭親王濟爾哈朗圍錦州城中兵出戰擊敗之追
入其郭力戰歿于陣年四十有一

太宗軫悼曰朕本欲擢超哈爾為一等大臣不意陣亡遣

大臣迎櫬入城

賜白金六百一十兩晉世職為二等輕車都尉以其長子
格赫禮襲順治十二年追謚果壯視一品大臣例
立碑墓道其第四兄阿罕岱第五兄阿達海第七
兄謨海俱以從征陣亡

訥爾特姓瑪佳隸鑲黃旗滿洲雅希禪次子也兄
恭袞襲父職為輕車都尉尋因獲罪降騎都尉

太宗念雅希禪功別授訥爾特為輕車都尉訥爾特初從
征明戰勝小凌河由大同入邊攻克小石城既襲
職從攻錦州屢敗明兵于松山杏山崇德中任刑
部叅政兼副都統時左右兩翼會兵攻松山城城
垂破明兵欲潰圍出訥爾特與護軍都統領鰲拜
趨塔山南截其歸路至夜明潰卒走塔山遂邀擊
之潰卒竄據山巔訥爾特率衆仰攻之大敗走我
兵乘勝追躡至海濱溺水死者無算復從征明進

軍渾河築梁以濟明將以兵拒于南岸訥爾特擊走之又敗其援兵于三河南我軍下山東將所部兵攻克武定州城師旋將出邊明兵劫我巨礮訥爾特與都統準塔還擊之破其步卒二營凱旋

賜白金五百兩從鄭親王濟爾哈朗攻寧遠明總兵吳三桂以衆來禦力戰歿于陣時年三十有八訥爾特兄弟三人皆先後死事恭袞厯刑部副理事官從征索倫陣亡蓋崇德四年季弟拉都渾襲恭袞職

從攻錦州奮身陷陣死蓋崇德六年後二年訥爾特復戰歿於寧遠五年之間相繼以忠烈著我

太宗甚軫卹之加贈訥爾特三等輕車都尉以其子訥新襲拉都渾一雲騎尉以其子鄂爾弼襲而恭袞以不待集師輕身嘗敵故不議卹云

多頗囉費英東之孫索海子也崇德中任佐領順治元年從入關破流賊論功授騎都尉世職累加一等輕車都尉任蒙古副都統從信郡王多尼征

明桂王由榔于雲南由榔奔永昌偽晉王李定國
設伏磨盤山山距潞江二十里崖谷峭險林箐蒙
密徑迴曲僅容騎我兵長驅過潞江偵其謀遂入
山發火器擊伏卒驚竄相蹂藉死者填塞崖谷定
國敗走銅壁關而多頗囉前驅陷陣歿喪歸

賜祭葬于多禪襲職

路什姓納喇隸鑲黃旗滿洲崇德七年從征明至
山東兗州先登克其城

賜號巴圖魯順治元年以叅領入關擊敗流賊李自成再
敗之望都二年從英親王阿濟格西勦自成扼綏
德以斷其歸路自成兄子錦據延安圍其城七戰
皆捷遂克之錦遁去時自成為豫親王多鐸所敗
棄西安南走商州竄入湖廣英親王督兵躡其後
至武昌偽侯劉宗敏等率衆拒戰路什與前鋒統
領蘇拜擊敗之并俘自成妻孥明年從肅親王豪
格西征擊叛將賀珍于漢中攻克鷄頭關追敗之

楚湖遂入四川誅獻忠分兵勦其餘黨俘斬甚衆
十五年從信郡王多尼進兵貴州討明桂王朱由
榔破其將羅大順于黔西州前後遇

恩詔及以功叙晉爵至二等男康熙十七年勦逆藩吳三
桂率所部兵扼岳陽湖之九馬嘴賊舟猝來犯力
戰死之贈一等男魚一雲騎尉子布納海襲

巴希姓富察隸鑲黃旗滿洲世居訥殷天聰元年
以備禦隨我軍攻錦州城中兵出戰我兵迎擊之

復驅入城巴希與遊擊覺羅拜山不待我師至衝
入敵陣遂戰沒八年贈二等叅領同旗名巴圖姓
爪爾佳世居哈達隨征寧遠時陣亡贈佐領
覺羅阿賴

景祖曾孫也天聰八年從征明擊薊州步兵奮勇深入陣
亡贈佐領世職

葉中額姓爪爾佳隸鑲黃旗滿洲世居訥殷

國初來歸隨征烏拉戰沒其孫哈什庫亦以護軍從

征陣亡贈七品官

昂錦隸鑲黃旗滿洲天聰八年隨征大同攻王家莊城先登有功崇德元年同征瓦爾喀部落多俘獲尋管義州官田獲糧甚多又同副都統阿拉善設伏擊敗明寧遠兵順治元年隨豫親王多鐸南征破流賊平定河南俱有功我軍進攻潼關有賊自山上來犯奮力迎擊中箭陣亡三年贈佐領同旗名旦岱世居葉赫屢以戰功授佐領從擊明經

畧洪承疇軍陣亡贈叅領世職

烏爾格隸鑲黃旗滿洲圖爾格子也崇德二年隨
征皮島率舟師渡海先登因後無應援遂力戰歿
贈佐領世職

瑚密什姓佟佳隸鑲黃旗滿洲崇德三年隨武英
郡王阿濟格証明設伏燕京擊敗明騎兵五百戰
通州遵化保定皆有功五年隨睿親王多爾袞圍
錦州左翼兵遇敵瑚密什身先士卒擊敗敵兵又

敗杏山騎兵生擒九人屢著功績順治元年隨入
關擊敗賊將唐通兵於一片石又追賊至安肅慶
都斬馘甚多每出兵瑚密什輒為前哨叙功加佐
領世職三年南征同鄂碩前驅至江南之句容屢
敗敵兵又隨貝勒博洛進征浙江至杭州擊明大
學士馬士英軍至錢塘江擊總兵方國安中鎗歿
贈二等叅領世職

巴林姓瓜爾佳隸鑲黃旗滿洲世居索尼崇德三

年從貝勒岳託征明以雲梯攻深州先登陣亡四年贈佐領世職

托紐姓富察隸鑲黃旗滿洲父辛泰天聰時屢立軍功授佐領托紐襲職崇德三年隨征明入邊敗明兵至渾河為橋以渡復擊敵有功及出邊復敗明兵之來追者順治元年從入關擊流賊中巨礮歿二年加贈如例

烏庫隸鑲黃旗滿洲世居寧古塔以地為姓祖僧

格

國初來歸父鼎紐克崇德時從征杏山錦州皆有功
烏庫於順治初隨征浙江舟山敗偽伯阮思等之
衆十二年隨征福建海賊鄭成功攻廈門賊船六
百餘排列城堡烏庫率水師奮勇前擊逼廈門
岸中傷歿贈三等輕車都尉從弟多博叔色紐克
子也襲職管佐領康熙十三年逆藩耿精忠反犯
江西多博隨征至撫州鍾家嶺遇賊萬餘拒敵多

博奮勇進戰中礮陣亡贈加一雲騎尉

哈爾罕姓佟佳隸鑲黃旗滿洲世居嘉哈崇德六年隨征明圍錦州松山兵來犯刼我巨礮哈爾罕擊敗之順治元年隨入關破流賊二年追賊至陝西延安率甲士四十人守南山有賊來犯駐守兵敗因同正白旗教賓力戰不退受傷而歿三年贈佐領世職同旗有古朗阿順治三年從征四川流賊張獻忠陣亡贈雲騎尉

正黃旗滿洲

赫臣姓伊爾根覺羅先世居瓦爾喀

太祖時率族屬來歸授職為佐領隸正黃旗滿洲從征烏拉有功奉使葉赫抗節不屈被害

太祖既滅葉赫索得害赫臣者授其子克宜福俾手刃之以祭

台弼善姓札庫塔隸正黃旗滿洲努山第二兄也
初監遊牧天命三年從征明攻撫順瑪哈丹村四

年攻界藩皆有功及攻珊延哈達豐濟堡俱轉戰
得優等功我兵遇明兵於喀爾圖許衆皆退台弼
善獨冒矢石直前進取平樂堡以第二人登天聰
三年隨征明與明經畧袁崇煥兵遇力戰陣亡贈
佐領

喀喇隸正黃旗滿洲屢從征戰有功官佐領尋

賜號巴圖魯在十扎爾固齊之列及征葉赫叙功授副將
與明總兵劉綎戰於阿布達哩岡身被七創勝之

卒以傷沒順治時追謚恭襄子扎福尼阿福尼皆有戰功崇德六年阿福尼以首先衝陣破明洪承疇軍得懋賞尋亦以傷卒

松阿哩姓興佳隸正黃旗滿洲

國初從征扎庫塔哈屯中傷沒追贈如例子鄂能崇德時從攻明松山錦州及山東屢立戰功順治中鎮守奉天

滿達理姓納喇隸正黃旗滿洲官佐領從攻遼陽

力戰歿於陣

巴雅爾圖姓民覺羅隸正黃旗滿洲世居葉赫初以戰功授遊擊天命十一年從攻寧遠陣亡以其子阿賽著有軍功贈三等男爵

那蓋姓瓜爾佳隸正黃旗滿洲世居蘇完官備禦天命十年隨攻旅順口奮力登城陣亡加贈遊擊康熙二年追叙軍功加三等男爵

覺羅阿克善隸正黃旗滿洲

景祖兄索長阿三世孫也天聰時即在行間宣力崇德六年以叅領隨我軍征錦州敗明總兵吳三桂兵及松山杏山援軍又連敗明經畧洪承疇兵授雲騎尉世職八年鄭親王濟爾哈朗征明寧遠分兵攻前屯衛阿克善先登克其城晉騎都尉順治元年隨睿親王多爾袞入山海關擊敗流賊李自成叙功加一雲騎尉七年擢正黃旗滿洲副都統兼工部侍郎十一年隨征湖廣敗賊於湘潭常德龍陽

十三年貝子濟度征海賊鄭成功阿克善率本旗
兵從至烏龍江以水險難渡乃潛取道山間徑趨
福州偵知賊船三百餘尚泊烏龍江阿克善自由
水路約星鼐等陸路合擊追至江口斬偽都督總
兵等俘獲甚衆明年賊犯羅源縣我駐防兵被圍
阿克善率兵赴援遇賊力戰陣亡十六年三月特
加

恩卹晉三等輕車都尉世職子塞克森襲

彰屯姓瑪佳隸正黃旗滿洲世居薩哈官佐領天聰元年從征朝鮮崇德七年從攻錦州皆有功順治元年從攻前屯衛中傷而亡加贈二等叅領額爾希根隸正黃旗滿洲以功授備禦天聰二年從克錦州擢遊擊三年從征明燕京至薊州遇明兵力戰陣亡贈雲騎尉

達蘭隸正黃旗滿洲天聰三年從征明攻永平遵化皆先登崇德元年從征朝鮮乘夜以雲梯襲南

漢山城奮勇前進歿於陣二年論平朝鮮功加贈
佐領世職

固三姓哲爾德隸正黃旗滿洲世居烏拉官佐領
天聰三年從征明擊涿州援兵敗之崇德元年征
朝鮮歿於陣贈佐領

瓦爾哈姓薩克達隸正黃旗滿洲世居瑚爾哈天
聰五年隨征大凌河陣亡授雲騎尉

蘇爾修姓那木都魯隸正黃旗滿洲世居綏芬官

佐領從征烏拉受傷至天聰九年卒弟阿爾修襲職崇德四年叙功加一雲騎尉是年從征薩哈連烏拉陣亡加世職三等叅領

瓦音布隸正黃旗滿洲崇德元年從征朝鮮取義州以第二人登城克之六年從攻明經畧洪承疇軍執燾陷陣被傷歿贈雲騎尉

編珠隸正黃旗滿洲崇德初從征明山東有功授雲騎尉順治二年駐防東昌因擊土賊陣亡贈騎

都尉

舒寧額姓扎庫塔隸正黃旗滿洲努山族弟也初
管佐領事崇德二年從征明攻灤城先登明軍門
盧象昇率兵來戰舒寧額獨衝入陣遂戰沒崇德
五年贈佐領世職族弟祜紐

賜號巴圖魯以軍功授佐領順治三年征山東土寇戰歿
于平邑贈加一雲騎尉

阿喇穆姓瓜爾佳隸正黃旗滿洲世居蘇完安珠

瑚父也任佐領以招降阿舒墨爾根人衆有功又從大軍戰于珊延哈達松山察哈爾寧遠等處身被重傷三十餘處得功牌賞賚最多順治元年入關追勦流寇力戰陣亡贈雲騎尉

賽弼圖姓瓜爾佳隸正黃旗滿洲世居三姓父禪褚于崇德四年從征薩哈連烏拉力戰身中九鎗卒破之論功授佐領世職賽弼圖每從征奮勇爭先遍身鎗痕竟以傷發卒

豐達禮隸正黃旗滿洲崇德四年隨征索倫力戰陣亡

覺羅碩爾昆隸正黃旗滿洲世居葉赫崇德七年隨征明圍錦州城中兵忽出衝陣碩爾昆被傷而歿贈雲騎尉

費揚珠隸正黃旗滿洲世居寧古塔以地為姓崇德三年從征明至山東攻夏津以第二人先登順治初駐防東昌進勦土賊中鎗歿加授佐領世職

和圖姓圖什哩隸正黃旗滿洲世居黑龍江崇德
三年從征明攻山東滕縣陣亡追贈佐領孫積善
於康熙十六年從勦逆藩吳三桂戰歿於四川保
寧

傅察姓鈕祜祿隸正黃旗滿洲世居吉林崇德三
年從征明攻山東滕縣首先登城因後無繼者遂
墜堞而歿追贈佐領

瓦延住姓寧古塔隸正黃旗滿洲世居瑚爾哈崇

德三年從征明山東有功順治初駐防東昌因擊土賊歿於陣贈騎都尉

鄂兒姓納喇隸正黃旗滿洲世居哈達滿達爾漢之姪瑪福塔次子也初從征瓦爾喀多俘獲後同征額勒岳索額赫庫楞亦有功授佐領世職崇德六年圍錦州松山明經畧洪承疇援兵駐於山下鄂兒率兵進戰陣歿從弟曰阿哈丹滿達爾漢長子也亦以出征陣歿贈各如例

費揚古隸正黃旗滿洲崇德時從征明錦州及攻
山東皆在事有功順治十一年從征廣東至雷白
賊將馬雄等來犯費揚古率衆力戰陷陣歿贈雲
騎尉

阿什譚姓瑪佳隸正黃旗滿洲崇德七年攻錦州
奮勇陷陣八年攻明前屯衛以紅衣礮擊其城阿
什譚於城闕處先登被傷而歿贈佐領

特庫音姓瓜爾佳世居蘇完崇德八年從征明燕

京以雲梯攻新安縣先登歿贈佐領

烏珠克圖姓吉哩隸正黃旗滿洲世居沾泥崇德
八年從征明至山東以雲梯攻泗水奮勇先登歿
於城上贈佐領又同旗能格姓赫舍哩順治六年
隨征大同叛鎮姜瓖歿於陣贈雲騎尉又有格布
額姓扎庫塔世居哈哩村從征至烏札拉孔果力
戰陣亡贈如例

特穆德格隸正黃旗滿洲

國初以其部屬來歸崇德七年從征明錦州執降明之蒙古戮於城外有訥木奇者乘馬衝入睿親王多爾袞營特穆德格迎而擒之兩相抱持被刺身死又同旗烏海天聰三年從征明攻遵化越衆先登陣亡又有覺羅拉達天聰三年從征明燕京遇薊州步兵力戰歿於陣

甄特姓民覺羅隸正黃旗滿洲世居長白山崇德五年從征明以火礮擊松山城將陷會日暮罷攻

明守將金國鳳連夜以繩繫木覆土塞之比明城復完固我師進攻不能入甄特挺身奮登歿於城上追贈佐領

邁圖姓納喇隸正黃旗滿洲崇德時以啟心郎從征明攻錦州陣亡又有石賽姓瓜爾佳以及秀巖城陣亡贈佐領

貴三姓哲爾德隸正黃旗滿洲世居烏拉國初從征索爾和陣亡贈三等叅領同時陣亡者都

敏姓民覺羅世居棟鄂贈備禦世職又同旗有覺
羅巴雅爾圖世居琿春初管佐領崇德二年從征
朝鮮旋往皮島率兩舟師渡海與敵戰因後隊兵
退無援獨率衆登岸力戰遂歿於陣贈遊擊又有
阿鈕以佐領駐防寧古塔因朝鮮叛率衆往攻中
鎗陣歿

索寧姓他塔拉隸正黃旗滿洲其先係察哈爾蒙
古從恩格德禮來歸崇德八年從征明至山東攻

萊蕪首先登城克之

賜號巴圖魯尋以圍大同攻渾源州中礮歿贈三等子爵
子巴圖於康熙十七年從征逆藩吳三桂戰歿於
洞庭

濟山努山第四弟也初任佐領崇德六年從圍錦
州破明經畧洪承疇軍蒙

賜錫順治元年從豫親王多鐸破流賊平定河南至潼關
有賊自山來犯擊敗之回軍時殿後賊復犯我軍

者三皆敗之又同李率泰等招撫二州五縣二年
從貝勒博洛征浙江至杭州招撫府州縣凡九尋
擢副都統駐防蘇州時賊黃蜚等約城內賊夾擊
我師濟山同武巴海進擊四戰俱敗之後敵復大
至中礮歿於陣加贈騎都尉兼一雲騎尉

宜爾格德努山族子也任佐領崇德五年

太宗命薩穆什喀等往征瑚爾哈部宜爾格德率九十人
助之克鐸陳阿薩津二城有斬馘順治元年擢工

部理事官五年從征江西叛鎮金聲桓時賊以十萬衆來拒宜爾格德同我師奮擊破之賊復連犯我汛地俱擊却之至信豐縣敗賊兵二萬於山嶺論功屢遇

恩詔加一等輕車都尉兼一雲騎尉十二年從征偽秦王孫可望於岔路口擊賊陣亡贈三等男

那爾泰姓烏魯隸正黃旗滿洲世居葉赫布恕庫父也自幼從征天聰崇德間屢立戰功順治六年

征大同叛鎮姜瓖戰沒時其二子噶達渾那什庫亦在行間並奮關歿

正白旗滿洲

達音布姓他塔拉隸正白旗滿洲世居扎庫穆天命三年來歸我

太祖四征不庭所至輒為前哨殺敵無算前後積戰功加世職至三等總兵官天命八年有蒙古喀爾喀扎魯特部昂安貝勒執我使者送葉赫被殺

太祖怒命貝勒阿巴泰等統兵征之達音布從行庚辰乘
夜疾馳明日平明渡遼河縱兵急進達音布率精
銳五十人先至額爾格勒知為昂安所屬遂畧地
而前馳百餘里進攻昂安攜妻子引牛車而遁時
叅將雅希禪博爾晉引三十餘騎下馬伺之達音
布亦引十餘騎以俟昂安直衝達音布達音布與
戰擊敗之復出衆前引滿將射昂安從者乘發矢
時執小鎗迎刺達音布中口墮馬創甚死焉

錫罕隸正白旗滿洲世居棟鄂以地為氏父倫布以所部四百人歸

太祖賜名魯克素錫罕其長子也授世職為騎都尉天命七年蒙古貝勒卓哩克圖部人有叛逃者錫罕追及之殲焉天聰元年從大貝勒阿敏征朝鮮進攻三塔率八十人先驅遇敵戰歿

太宗深惜之晉世職二等輕車都尉子鄂碩見人物

錫爾泰錫罕弟也初任佐領在十六章京之列以

戰績授遊擊世職天命六年從征明取瀋陽明總
兵陳策統兵三萬營於黃山聞我兵進攻瀋陽遂
渡渾河來援

太祖即遣右翼四旗兵進戰久之不退復令後軍往助錫
爾泰與馬擊射衝突而入明兵敗走追至渾河陣
斬總兵陳策等而錫爾泰同布哈即格等以先登
力戰亦歿焉其長子拉都於崇德五年七年兩從
圍錦州皆有功寧遠之役往窺敵塹陣亡其弟巴

都順治元年隨入關先登敗流賊又敗之慶都叙
績累加授叅領世職五年從征福建戰歿於羅源
贈一等輕車都尉又一雲騎尉

巴都哩隸正白旗滿洲世居佟佳以地為氏天命
元年同伊弟蒙阿圖來歸授總兵世職巴都哩有
才能屢立戰功十年從攻明旅順口克敵有功天
聰三年從征明攻遵化先登

太宗親以金卮賜酒十年任禮部承政八年隨征明畧錦

州還征科爾沁七月甲戌

太宗在大同貝勒阿巴泰等遣使奏言我兵攻王家莊城
時禮部承政巴篤哩督衆力戰攻城被創不退中
箭而亡時

太宗方飲聞之即罷飲曰此舊臣也効力多年為之泣下
贈副都統順治十三年

世祖追念開國功臣

賜謚敏壯立碑墓道

拜姓佟佳隸正白旗滿洲屢以軍功任副都統兼
禮部承政會同索海征瓦蘭喀路我師失利拜與
譚布力戰敗之師還索海曰此譚布與拜兩虎將
之力也

太宗乃加賞二人順治二年從豫親王多鐸平定河南江
南並在行間有功六年攻大同叛鎮姜瓖陣亡加
騎都尉世職

新泰姓覺爾察隸正白旗滿洲父阿巴泰歸我

太祖任佐領因擊巴雅拉部圖勒申受傷而卒新泰其長子也屢從征伐積軍功至遊擊厯任護軍統領天命十一年攻寧遠力戰陣亡順治元年加贈男爵葉陳姓舒穆魯隸正白旗滿洲世居珠舍哩

國初來歸

太祖遇之甚厚以妹妻之稱為額駙從征哈達時奮勇力戰陣亡贈叅將弟葉錫亦於珠舍哩之戰被創而歿

錫佛隸正白旗滿洲任叅領天命六年隨征明攻
瀋陽於正藍旗所轄汛守遇敵力戰陣亡授備禦
世職又同旗屯泰征明至山東奮勇跳城中傷歿
卓爾糾姓托和羅隸正白旗滿洲世居瑚爾哈天
聰三年從征明燕京往運草束遇敵力戰陣亡子
圖那屢著戰功晉職輕車都尉順治十六年從征
偽晉王李定國力戰陣歿贈一等輕車都尉

瑚碩布姓佟佳隸正白旗滿洲達爾漢第五子也

初襲職為騎都尉天聰五年從征大凌河陣亡加
贈雲騎尉

羅洛科隸正白旗滿洲隨攻沙嶺有功授佐領崇
德二年因征皮島歿於陣同旗有佐領翁克天聰
六年從征明錦州力戰陣亡又有佐領覺羅阿特
達征寧古塔陣亡其子錫拉圖亦官叅領崇德二
年在皮島戰歿又有弼雅達亦以佐領從征朝鮮

陣歿

音達呼齊隸正白旗滿洲早從征伐屢立戰功天
聰三年從征明攻遵化奮勇登城中傷而歿贈佐
領又同旗多理善天聰三年從征明由大同入邊
攻堡陣歿贈佐領世職又有琿達善天聰三年從
征明至薊州遇敵陣亡又有喀爾哈那天聰八年
隨征明山西至大同力戰陣亡

麥色姓那木都魯隸正白旗滿洲康果禮次子也
世為綏芬屯長天聰時以章京從征塔山陣亡

希福隸正白旗滿洲官叅領天聰間屢有軍功崇
德七年從克錦州任左翼帥防守山城敵來犯射
退之敵又攻我正藍旗汎地往助擊之及再戰遂
歿於陣贈輕車都尉

瑚什布隸正白旗滿洲天聰八年從征明圍大同
攻克關廟復奮勇進攻中火礮而歿加贈騎都尉
珠三姓李佳隸正白旗滿洲世居扎庫穆初任佐
領屢著軍功崇德二年從攻皮島首先乘舟渡海

迎敵我後軍失援登岸戰歿加贈至輕車都尉弟
努三從攻大同戰歿於五臺又我軍攻皮島時同
旗陣沒者曰拜台珠

覺羅雍貴隸正白旗滿洲崇德三年從征明擊通
州兵敗之五年圍錦州擊敗松山杏山兵七年擊
敗明經畧洪承疇軍八年進攻前屯衛先登歿贈
佐領

羅多理姓佟佳隸正白旗滿洲世居扎庫穆崇德

五年從征明圍錦州七年擊松山兵皆有功順治
初從平陝西江南福建屢戰皆捷六年從征叛鎮
姜瓖圍大同中創而歿贈騎都尉又同旗瑚通格
姓奇塔拉世居長白山崇德八年從征明山東攻
臨清先登環堞而戰沒于陣贈佐領

特坤達音布第三子也

國初屢從征伐有功累官一等侍衛崇德七年從征
明圍錦州攻明經畧洪承疇第三營軍力戰陣亡

贈佐領世職

甘塔哈隸正白旗滿洲崇德中屢著軍功順治五年隨征山東曹縣土寇攻城時中火礮歿贈雲騎尉子噶思海亦以從勦逆藩吳三桂戰沒于永興格布庫姓民覺羅隸正白旗滿洲崇德時即宣力戎行順治元年入關擊流賊追至慶都殲之授佐領三年隨勦流賊張獻忠于四川會正藍旗兵被賊所困往援中箭歿于陣贈騎都尉子衛赫亦以

勦逆藩吳三桂戰沒于湖廣之尋陵

幹泰姓瓜爾佳隸正白旗滿洲崇德時即在行間
効力順治二年追流賊至揚子江遇賊船先登擒
之被重創五年征山東土賊陣亡贈雲騎尉又同
旗岱納姓巴雅爾屢從征伐有功順治二年南征
攻揚州奮勇先登中傷歿贈佐領

嘉隆阿姓瓜爾佳隸正白旗滿洲世居松花江兄
曰噶布拉崇德時從攻明山東屢有戰績加授佐

領嘉隆阿初征黑龍江即有功順治二年擊流賊于延安以殿後身中十二鎗力戰陣歿贈世職三等輕車都尉

哈爾巴姓民覺羅隸正白旗滿洲崇德時即屢從征代順治元年從入關五年從征南將軍譚泰征江西叛鎮金聲桓以雲梯攻九江先登

賜號巴圖魯屢加授一等輕車都尉十一年從征福建海賊鄭成功賊兵十餘萬來奪我巨礮哈爾巴隨我

師擊敗之又連敗其衆旋攻海澄縣中鎗歿贈一
等輕車都尉同旗舍格以征勦逆藩吳三桂戰沒
于江西吉安

鄂爾布隸正白旗滿洲崇德七年隨征明錦州有
功順治十六年在福建廈門遇海賊鄭成功兵力
戰陣亡贈雲騎尉

達爾布姓烏札拉隸正白旗滿洲世居黑龍江崇
德間早從征討屢立軍功擢叅領順治九年敬謹

欽定四庫全書
親王尼堪戰沒于衡州達爾布力戰中礮歿

正紅旗滿洲

烏爾昆隸正紅旗滿洲以備禦從

太祖克遼瀋有功授遊擊世職後駐防海州稱職加授二
等叅將天聰三年攻薊州被創卒其孫科魁順治
中從征湖廣浙江屢立戰功

色勒布姓烏扎拉隸正紅旗滿洲父薩鈕于

太祖時來歸色勒布其次子也崇德二年襲職順治元年

從入關擊流寇于潼關屢敗其衆二年從征江南
攻江陰中巨礮歿贈三等叅領其兄之子曰莫羅
渾初襲父赫頁諾佐領職順治時平定杭州紹興
及福建廣東皆有功加世職二等輕車都尉康熙
十七年進攻海澄歿于陣

岳樂順隸正紅旗滿洲天聰七年以叅領從攻明
旅順口奮勇先登力戰陣亡屢贈二等輕車都尉
世職

輝山隸正紅旗滿洲崇德三年任兵部理事官六年隨征明圍松山順治元年隨追流寇至潼關三年戰三敗之師旋殿後被創歿于軍贈雲騎尉

布達理隸正紅旗滿洲崇德三年征明敗敵于邊外六年從擊明經畧洪承疇軍敗之順治元年從入關追流寇師抵潼關屢敗賊衆五年隨征江西叛鎮金聲桓敗賊于湖口其黨以七萬衆來薄我營中箭歿于陣贈世職騎都尉

烏納哈賴隸正紅旗滿洲崇德五年從征明圍錦
州固松山乘夜刦敵敗明兵于寧遠二年隨征至
江南屢有戰功以攻江陰中礮歿贈世職三等叅
領

伊明阿隸正紅旗滿洲崇德三年隨征明攻松山
城中傷歿于城下同旗覺羅蘭泰崇德六年復征
明圍錦州在松山力戰陣亡

額貝隸正紅旗滿洲崇德六年從征明圍錦州擊

金少府人
敗松山兵七年從征寧遠有斬獲八年隨征明攻
薊州及濠中礮歿贈佐領世職

貴穆臣隸正紅旗滿洲崇德八年從征明至山東
攻郟城先登歿贈佐領世職

阿納海姓佟佳隸正紅旗滿洲岱松阿子也崇德
時効力行間襲佐領世職管叅領事順治元年隨
南征流寇三年隨征四川皆有功十八年隨征山
東賊渠喬玉李於連山賊乘夜劫我營奮力拒敵

身中三十二創歿于陣加世職三等輕車都尉

石賴隸正紅旗滿洲崇德時即在行間宣力順治元年十一月從南征平定河南江南二年征浙江攻嘉興先登有功再攻崑山中火礮歿卹贈如例同旗達魯哈順治元年從入關征流寇累有戰功二年至江南攻江陰中礮陣亡贈雲騎尉世職

留哈隸正紅旗滿洲順治元年從入關追勦流賊至涿州松蘿店陣亡贈佐領世職同旗鄂哈順治

元年從入關擊流賊力戰陣亡康熙二十年追贈
護軍叅領又有巴揚阿順治三年從征四川流寇
張獻忠陣沒

莫洛姓阿顏覺羅隸正紅旗滿洲世居長白山順
治初任刑部理事官康熙六年擢都察院左副都
御史七年擢山西陝西總督有惠政九年陞刑部
尚書十二年逆藩吳三桂反十三年正月大軍由
陝西進征以莫洛為經畧駐西安尋加武英殿大

學士莫洛駐兵寧羌州南教場會提督王輔臣叛
猝攻莫洛營莫洛親率兵併力射却之既而輔臣
身自督戰衆遂復攻礮矢齊發莫洛中鎗死所部
官員筆帖式等死者甚衆

賜祭葬謚忠愍

欽定盛京通志卷八十四

欽定四庫全書

欽定盛京通志卷八十五

忠節

四

國朝

鑲白旗滿洲

鑲紅旗滿洲

正藍旗滿洲

鑲藍旗滿洲

鑲黃旗蒙古

正黃旗蒙古

正白旗蒙古

正紅旗蒙古

鑲白旗蒙古

鑲紅旗蒙古

正藍旗蒙古

鑲藍旗蒙古

欽定四庫全書

欽定盛京通志卷八十五

忠節

四

國朝

鑲白旗滿洲

吉普克達姓烏蘓隸鑲白旗滿洲吉斯哈弟也

太祖時來歸即管佐領事天命四年從征明有功授一等

叅將世職六年隨畧明奉集堡守城總兵李秉誠

引騎三千出城駐營遣兵來偵我軍兩路追擊至
山巔山上明兵結為方陣見我軍至拔營奔吉普
克達尾擊抵其壕岸中巨礮歿天聰八年贈世職
為二等叅領

和羅姓伊爾根覺羅隸鑲白旗滿洲世居嘉哈初
任佐領屢從征伐

太祖丁未年九月隨征輝發力戰陣亡子鄂錫于康熙十
三年從征逆藩吳三桂至陝西秦州城內賊衆與四川來

援之賊水陸夾攻鄂錫力戰沒于陣加贈世職騎都尉
準泰姓薩克達隸鑲白旗滿洲世居珊延哈達天
聰三年從征明燕京首登邊城有功攻大同時同
本旗兵另攻一土堡又首登焉至深井復首先登
城遂戰歿贈佐領世職

瑪爾圖姓扎庫塔隸鑲白旗滿洲

太祖時來歸授備禦世職天聰六年從征明圍錦州沒於
陣子烏庫禮襲職年十六即効力戎行

太宗甚嘉之屢加擢任見本志名宦

巴薩禮姓瓜爾佳隸鑲白旗滿洲世居烏斐宜初
管佐領天聰七年追攝明兵遇明哨卒擊敗之有
俘獲

太宗賜以馬順治元年從入關十一年從征浙江舟山擊
偽總制陳六御等敗之尋駐防江寧十六年海賊
鄭成功犯江寧力戰陣亡贈騎都尉

格紳姓伊爾根覺羅隸鑲白旗滿洲世居察爾古

初任佐領天聰八年從征瓦爾喀有俘獲崇德五年隨征明錦州松山兵敗之七年圍松山擊敗敵兵順治元年入關追流賊敗之潼關十六年從征福建至廈門岸仰攻之中傷歿贈二等輕車都尉薩哈隸鑲白旗滿洲天聰八年隨征明大同有功崇德元年隨征朝鮮因率兵取草遇敵來犯歿於陣同旗有領催僧喜崇德元年隨征明攻順義先登

賜號巴圖魯授佐領世職二年亦以隨征朝鮮戰于桃花山村被創歿于陣

納密達姓索綽羅隸鑲白旗滿洲世居吉林天聰八年從征明攻雄縣先登崇德元年征朝鮮攻皮島首先渡海後隊未至登岸而戰遂歿於陣贈佐領世職加贈一雲騎尉和託亦以從征烏龍江陣亡又族弟庫尼雅崇德八年隨攻霸州有功屢擢至雲騎尉康熙初勦茅麓山流賊戰歿

敦達禮姓果爾羅斯隸鑲白旗滿洲世居沾河自
幼侍

太宗日見親信崇德元年肅清王豪格分封遣敦達禮輔
之並以佐領銜掌王府事敦達禮秉性忠直遇事
勸諫偶有不聽據實陳奏請還為內侍

太宗即召王溫旨開導親解御衣一襲賜敦達禮八年
太宗賓天敦達禮朝衣哭踊自縊以殉順治初

賜諡忠毅立碑墓道

喀爾塔拉姓章佳隸鑲白旗滿洲襲父圖勒坤歡
詹佐領尋陞護軍叅領崇德三年從伐明畧寧遠
錦州屢敗敵兵順治元年隨入關擊破流賊李自
成從定山西河南五年從征江西叛鎮金聲桓屢
有戰績克復饒州南昌等府九年屢加世職至一
等輕車都尉十年從征孫可望李定國于湖南至
衡州奮勇擊賊乘勝疾趨遇伏歿于陣

賜祭葬加贈三等男世職謚忠壯立碑墓道

阿爾篤姓瓜爾佳隸鑲白旗滿洲崇德三年隨征
明攻直隸獻縣以第二人先登順治五年從勦江
西叛鎮金聲桓攻南昌先登陷陣歿贈騎都尉
額塞姓納喇隸鑲白旗滿洲世居葉赫崇德三年
從征明夜用雲梯襲攻吳橋先登六年圍明錦州
擊松山兵敗之順治二年從南征平定淮安敗敵
於淮黃之間五年從征江西叛鎮金聲桓敗賊渠
王得仁之衆屢以軍功加二等輕車都尉世襲罔

替十年從征湖廣擊賊於衡州陣亡

衮布姓烏扎拉隸鑲白旗滿洲世居薩哈連烏拉

初為

太宗近侍崇德三年隨征明攻藥城先登歿於敵

賜號巴圖魯贈佐領世職

滿本姓戴佳隸鑲白旗滿洲世居杭嘉初管佐領

崇德三年隨征明燕京至豐潤遇敵歿於陣贈佐

領世職

塔海姓伊爾根覺羅隸鑲白旗滿洲世居長白山
崇德初管佐領隨攻松山力戰陣亡贈佐領世職
扈習姓趙佳隸鑲白旗滿洲世居瑚布察崇德三
年隨征明攻山東寧海州先登戰歿贈佐領世職
多羅岱姓烏扎拉隸鑲白旗滿洲世居黑龍江崇
德時効力行間八年從征明霸州先登歿贈佐領
世職姪薩賚亦於康熙中勦吳三桂陣亡又同旗
阿顏圖於崇德三年征明攻南皮先登歿於陣

葉喜隸鑲白旗滿洲富拉克塔從弟父曰布拉圖
官叅將葉喜初任叅領崇德三年從征明擊明總
兵吳阿衡兵敗之五年圍錦州擊敗松山兵順治
元年追勦流賊至陝西延安城內賊兵突出率兵
擊走之復追至承天圍其城獲船四又自大江追
賊至富池口獲其戰艦並擊敗其岸上駐守軍三
年從征騰吉思與土謝圖汗兵戰歿于陣追贈護
軍統領四年加佐領世職

達岱隸鑲白旗滿洲崇德六年以侍衛從征錦州

松山陣亡

穆虎隸鑲白旗滿洲初任佐領崇德四年隨征薩
哈連烏拉擊鐸陳兵力戰陣亡五年叙功贈佐領

世職

佟濟隸鑲白旗滿洲初襲佐領崇德時隨征明錦
州松山皆有功順治初隨入關順治十五年擢前
鋒叅領十七年從征福建攻廈門遇海賊鄭成

功敗其水師復追至蓋峙山奮擊歿贈騎都尉

齊雅塔姓西林覺羅隸鑲白旗滿洲世居尼瑪察

弟兄四人齊雅塔居長崇德時從圍錦州戰歿於

松山仲弟名布扎祿順治初從征陝西奮勇擊賊

受重傷得優賞其第三弟曰固思塔康熙十三年

以叅領隨征逆藩吳三桂十五年至廣西擊賊馬

雄等於桂嶺戰歿贈雲騎尉季弟名布思塔亦於

康熙十三年以叅領隨征四川擊偽總兵施遵禮

於朝天關進至蟠龍山陷陣歿贈雲騎尉

噶布拉姓富察隸鑲白旗滿洲哈寧阿之族孫也
崇德時即隨征討順治六年從征大同叛鎮姜瓖
九年隨征鄂爾多斯皆有功十六年從征福建攻
廈門海賊鄭成功列戰艦六百餘於海上拒敵敗
之復偕佟濟等往擊賊於蓋峙山陣歿贈二等輕
車都尉

蘇丹姓瓜爾佳隸鑲白旗滿洲世居蘇完楊善第

四弟吉孫子也崇德時管佐領事順治十年從征
湖廣與賊戰於衡州陣亡贈雲騎尉世職其子邁
圖亦於康熙十六年戰沒於廣東韶州贈騎都尉
駱兌姓烏扎拉隸鑲白旗滿洲世居黑龍江崇德
時官驍騎校順治十年十一月從征湖南浙江屢
有戰功康熙十三年進勦逆藩耿精忠禦賊於浙
之温州奮勇衝入陣再戰再出傷重卒於軍其族
人伊塞爾圖以征海賊鄭成功戰歿於蓋峙山

海度姓舒舒覺羅隸鑲白旗滿洲世居長白山崇
德時即管佐領順治十五年從征貴州奏凱康熙
三年從征逆藩耿精忠累戰皆捷十五年海賊偽
將軍劉國軒等率賊萬餘來攻海澄海度奮勇與
戰遂歿於陣贈騎都尉誥一雲騎尉

西巴哩姓富察隸鑲白旗滿洲世居訥殷父石圖
任佐領天聰九年從征瑚爾哈有俘獲順治元年
隨入關擊流賊叙功累加世職一等輕車都尉及

卒西巴哩襲職康熙十七年從征逆藩吳三桂至

湖廣攻岳州力戰陣歿贈如例

琿沁姓納喇隸鑲白旗滿洲世居烏拉父薩瑪海
天聰間即擢用順治二年從入關以功授雲騎尉
琿沁於康熙十三年從征逆藩耿精忠至江西屢
戰有功十五年隨征逆藩吳三桂擊偽帥馬寶
等於湖廣醴陵陣亡贈一等輕車都尉

阿哈納姓寧古塔隸鑲白旗滿洲世居薩爾滸祖

囊吉自寧古塔率部人來歸父烏魯哈屢以軍功
仕至佐領加世職二等輕車都尉阿哈納於康
熙十五年隨征逆藩吳三桂進攻長沙陣亡十六
年加贈一等輕車都尉

和善姓雷隸鑲白旗滿洲世居遼陽其祖雷宏化
父雷先聲相繼為鑾儀使兄雷繼尊仕至都統和
善以副將隨征至豐縣兩當漢中保寧並在行間
擊賊有功授雲騎尉康熙十九年從征四川遇賊

於瀝州奮擊陣歿贈騎都尉

鑲紅旗滿洲

西喇布隸鑲紅旗滿洲世居完顏部以地為姓

太祖創業之初率所部來歸管佐領事在理事十大臣之列歲癸巳征富爾嘉齊西喇布以翼衛大營著績哈達錫特庫發矢來射西喇布以身當飛鏑中傷而歿

恩卹三等輕車都尉世職順治十二年追諡順壯立碑與

一品大臣等

阿蘭珠姓棟鄂隸鑲紅旗滿洲世居瓦爾喀什來
歸我

太祖時初設十札爾固齊以阿蘭珠為首從征烏拉身被
重創直前衝入奮擊遂歿於陣贈三等副將世職
順治十四年

世祖以阿蘭珠効力行間勤勞茂著追謚順毅立碑墓道
邱姓棟鄂隸鑲紅旗滿洲永順弟也初從攻額

赫庫楞額哲村力戰有功身被一創得優賞

太祖戊申年從征烏拉身被四創明將毛文龍以水師三

百登島焚我房屋掠我牛馬卽擊敗之奪還所獲

天聰七年隨攻明旅順口繼兄永順後登城克之

授備禦世職八年隨征薩哈連烏拉及攻明松山

歿於陣又有旺格永順族弟也隨擊明瀋陽戰歿

叙功贈備禦世職又有察巴海亦永順族弟初隨

征明永平歿於陣贈佐領永順第四子米拉渾以

勇著亦歿於王事

懷三姓瓜爾佳隸鑲紅旗滿洲父綏邦額

國初率族人來歸懷三於天命六年從征遼陽歿於陣

郎格姓棟鄂隸鑲紅旗滿洲以功授備禦世職任
薩爾滸遊擊從攻瀋陽歿于陣加贈世職至二等
輕車都尉其第二子和託於順治間平定山東河
南屢著功績

綽和諾姓那木都魯隸鑲紅旗滿洲父明安圖巴顏

太祖創業之初來歸綽和諾每臨陣服綿甲奮勇直前所向披靡隨何和里征瑚爾哈部克扎庫塔城身被三創天命六年以克瀋陽遼陽敘功授三等輕車都尉世職列位十六大臣駐防科穆索地斬寧古塔叛酋就善天聰五年從征大凌河力戰歿於陣加贈一等輕車都尉世職雍正七年入祀昭忠祠

綽訥隸鑲紅旗滿洲父孟格圖屢以軍功加世職
至遊擊及卒綽訥官備禦天命十一年隨我軍征
明與寧遠兵遇歿於陣

勞薩姓瓜爾佳隸鑲紅旗滿洲世居安楚拉庫驍
勇善戰每直前逆敵天命六年從克遼陽授遊擊
天聰三年戰錦州有功五年從征明大凌河擊敗
松山兵獲其三燾又敗監軍張春前營六年從征
察哈爾多俘獲尋駐防彰武臺數年敵不敢犯

賜號順科洛巴圖魯十年畧明代州克敵有戰功崇德元年從征朝鮮敗其兵于南漢山城二年從征明燕京至山東敗明兵于牆子嶺四年加世職二等副都統六年七月隨圍錦州敗明松山兵復隨睿親王多爾袞與明經畧洪承疇三隊軍戰歿於陣

太宗軫悼賜奠加贈三等子爵順治十三年

世祖念勞薩攄忠効力著績行間

賜諡忠毅立碑墓道子呈尼崇德七年襲父世職順治七

年九年三遇

恩詔進封一等伯任議政大臣尋隨征湖廣遇偽秦王孫
可望等之衆於衛州與敬謹親王尼堪俱歿於陣
由一等伯加贈一雲騎尉

賜祭葬謚誠介立碑墓道

固吉納姓翁鄂隸鑲紅旗滿洲世居尼瑪察其叔
父瑚球於

太祖時來歸授備禦世職卒固吉納襲職天命四年從征

葉赫戰歿於陣

塔納喀姓錫克特哩隸鑲紅旗滿洲天命六年從
攻遼陽有功授遊擊天聰五年從征明大凌河破
監軍道張春兵面創落三齒得賞七年隨征明旅
順口中礮歿八年贈佐領世職

桑固理隸鑲紅旗滿洲天命六年從克遼陽授遊
擊世職天聰五年從攻錦州歿於陣八年贈世職
為二等叅領

孟庫姓鄂濟隸鑲紅旗滿洲世居烏拉隨征棟奎
有俘獲天聰八年從征明至大同攻左衛克之又
攻懷來戰歿贈佐領

吉穆庫姓尼瑪察隸鑲紅旗滿洲世居長白山

太祖時來歸從征瓦爾喀有功授備禦世職天聰二年從
征明攻錦州被創歿

遜嘉沁姓棟鄂隸鑲紅旗滿洲世居瓦爾喀什天
命六年隨征明攻瀋陽歿於陣贈遊擊世職

瑚拉哈姓費摩諫鑲紅旗滿洲天聰四年以佐領征大
凌河擊明監軍道張春兵陣歿同旗有孟庫魯崇
德三年戰歿於錦州贈佐領

薩素喀洪尼雅喀第二弟也同兄來歸從征明廣
寧至沙嶺首先敗敵天聰五年從征大凌河敗敵
兵於壕邊八年往畧明前屯衛擊敗寧遠援兵崇
德五年圍錦州六年進圍松山敗明洪承疇軍八
年復征寧遠皆在事有功順治元年隨睿親王多

爾衮進山海關擊流賊李自成衝入賊陣中斃
仕至禮部侍郎魚副都統加贈至二等輕車都尉
覺羅鄂博惠隸鑲紅旗滿洲

景祖長兄之曾孫也天聰四年隨征明進攻永平在沙庫
山與據守之蒙古兵交戰被創歿贈佐領世職弟
錫翰從征錦州擊明經畧洪承疇軍步戰攻入歿
於陣同旗護軍校薩穆唐阿亦戰歿俱贈如例

額德隸鑲紅旗滿洲世居完顏以地為姓天聰七

年隨征明攻旅順口乘船進擊又與城門敵兵交
戰矢盡奮勇殺入歿於陣八年贈如例順治七年
九年加贈至三等輕車都尉子舍爾圖於康熙十
五年從征江西廣東並有功二十年隨征雲南敗
賊於黃草壩乘勝進攻省城擊偽將胡國秉等陣
歿加贈一等輕車都尉其族人瑚錫於康熙中征
逆藩吳三桂戰歿於長沙

哈爾古積隸鑲紅旗滿洲永順弟也天聰八年以

辦事有能授三等叅領世職崇德六年以護軍統領隨圍明錦州松山兵來犯哈爾古積先衆領燄殺入歿於陣七年加贈二等叅領世職

勞沙姓納喇隸鑲紅旗滿洲世居烏拉以軍功授佐領世職隨攻明錦州城歿於陣天聰八年加贈三等叅領世職

布蘭珠姓伊爾根覺羅隸鑲紅旗滿洲世居訥殷天聰八年以筆帖式隨征薩哈連烏拉及追喀穆

尼哈業雷俱有功崇德四年再征薩哈連烏拉歿
於陣

炳圖姓納喇隸鑲紅旗滿洲拜音布族兄也崇德
二年隨征皮島率船十隻先渡海擊敵歿於陣贈
佐領世職

索爾和諾姓庫齊禮隸鑲紅旗滿洲世居阿庫里
自幼喪父長兄瑚禮納撫養成人後為仇人所害
索爾和諾親刃兄仇以祭兄墓鄉黨宗族咸歎異

之崇德三年來歸八年隨征明用雲梯攻河間以
第一人奮勇登城後無繼者遂戰歿

賜號巴圖魯授佐領世職

鍾古姓舒舒覺羅隸鑲紅旗滿洲崇德六年任戶
部理事官隨征明松山擊敗明經畧洪承疇軍復
乘夜敗其衆順治六年從征大同歿於陣追贈雲
騎尉又同旗穆什屯天聰七年征明攻南海島歿
於鐵山贈佐領

特穆深姓庫齊哩隸鑲紅旗滿洲崇德八年隨征
明山東攻冠縣先登歿贈佐領世職是役也本旗
名喀喇者亦登城戰歿

沙爾納隸鑲紅旗滿洲崇德八年隨征明攻河間
先登歿贈佐領世職次子噶什爾康熙十四年從
征逆藩耿精忠戰沒於浙之温州

阿郎阿姓伊拉哩隸鑲紅旗滿洲順治元年隨入
關擊敗流賊復從征山西攻太原先登三年駐防

山東時東昌土賊作亂率衆力擊歿於陣同旗戰歿者曰讓喀贈騎都尉

察瑪海隸鑲紅旗滿洲博爾晉孫也順治元年隨入關擊賊將唐通兵敗之從征陝西敗流賊于延安及賊犯正白旗汛地察瑪海往援歿於陣贈如例其族人巴岱戰歿于大同

瑪納海姓西林覺羅隸鑲紅旗滿洲崇德時隨貝勒阿巴泰征明至山東攻濟陽先登得優賞順治

元年入關擊流賊歿於陣贈如例

班第隸鑲紅旗滿洲世居旺佳以地為氏順治六年隨征大同叛鎮姜瓖奮勇擊賊歿於陣贈騎都尉同旗有索瑪姓瓜爾佳世居哈達順治二年擊流賊於延安陣歿

喜福姓薩克達隸鑲紅旗滿洲世居那木都魯父葉古德於

國初率戶口來歸

太祖賜以妻室使管佐領事列七備禦歷官副將卒喜福
襲職初隨征薩哈連烏拉有功順治三年從征四
川擊賊賀珍于漢中敗之至生蓋復擊賊衆回
至太原破賊於寧武因傷卒贈二等輕車都尉子
科爾昆隨定雲貴著功績康熙中勦逆藩吳三桂
擊賊於金水河陣歿加贈男爵

都貝隸鑲紅旗滿洲世居新嘉以地為氏順治初
從入關九年從征明桂王朱由柳至湖廣衡州

陣亡同旗有喀拉沙布木蘭亦於是役擊賊陣
歿俱贈如例

富拉布姓納喇隸鑲紅旗滿洲世居哈達

太祖時其祖薩穆哈來歸授佐領順治初從入關康熙元
年富拉布從征雲南緬甸皆在事有功授雲騎尉
十四年從征叛鎮王輔臣至陝西平涼擊賊歿其姪
普鐸從征逆藩吳三桂戰歿於永興

正藍旗滿洲

達珠瑚姓兆佳隸正藍旗滿洲

太祖時來歸初以軍功授佐領又從征葉赫烏拉諸部落
斬獲甚多叙功加三等男天聰間擢列十六大臣
佐理鑲黃旗事又從征東海瓦爾喀部大獲以歸卒
為俘卒所害順治十二年追謚襄敏子翁阿岱亦
屢以軍功顯崇德六年戰歿松山贈卹甚厚晉一
等男

勞翰姓他塔拉隸正藍旗滿洲在行間十四年大

小五十餘戰攻拔數十城皆獲全勝天聰元年圍
義州久不下值夜雲密布城上聞寂無聲勞翰乃
潛迹緣城將登敵伏發矢如雨下重創而死贈騎
都尉同旗有濟爾海攻錦州中礮歿

布噶姓舒穆魯隸正藍旗滿洲世居訥殷

國初來歸以軍功授二等叅將世職天命六年隨

太祖取瀋陽與敵戰奮勇爭先歿於陣追贈如例

布勒吉隸正藍旗滿洲天聰四年從征明園永平

冒火登城克之及我師駐永平明山海關援兵來
犯布勒吉力戰陣亡贈備禦世職

明格姓瓜爾佳隸正藍旗滿洲世居哈達天聰三
年從征大同攻朔州先登歿贈如例又同旗瑚申
布魯天聰五年隨征明攻遵化有功順治元年從
入關擊敗流寇七年擊海寇鄭成功于江寧力戰
歿于陣贈世職三等男

丹布隸正藍旗滿洲雅秦伯父也初管武備院事

天聰五年從征明圓大凌河戰歿其孫塞勒初任三等護衛從征福建與海賊戰于廈門陣亡贈雲騎尉拉們雅秦弟也康熙十三年以前鋒叅領從征逆藩吳三桂與賊戰於衡州陣亡贈雲騎尉邁格姓瓜爾佳隸正藍旗滿洲從征擊敵屢被重傷天聰八年從征大同攻左衛奮勇先登戰歿贈雲騎尉世職

折爾特隸正藍旗滿洲崇德元年從征朝鮮以重

傷得優賚順治元年追擊流賊至延安中創歿

查蘇喀姓烏蘇隸正藍旗滿洲世居寧古塔崇德
初在文館辦事號巴克什魚佐領七年從征錦州
與敵戰於裏紅石力戰陣亡是役也同旗名碩勒
姓富察世居葉赫奮勇擊敵歿於陣又有奇圖倫
亦以是役陣歿

傅克察姓扎拉哩隸正藍旗滿洲初以軍功管佐
領從征明燕京戰歿于昌黎贈三等叅領

薩爾泰姓溫都隸正藍旗滿洲

太宗時來歸崇德六年隨攻錦州擊明經畧洪承疇軍力
戰被創以功授加一雲騎尉八年隨征山東破
青州轉戰至豐潤安肅三河皆在事有功順治十
五年駐防江寧海賊鄭成功犯瓜州戰歿

薩必罕隸正藍旗滿洲烏達理之第三叔父累任
兵部叅政崇德六年隨攻松山中傷而歿孫哈爾
沁任一等護衛康熙十八年從征福建攻廈門戰

歿贈雲騎尉薩必罕之弟曰瑚什初任叅領崇德二年隨征明皮島渡海力戰歿贈佐領世職

武巴什姓烏蘇隸正藍旗滿洲順治初從入關五年從征四川奮勇擊賊陣歿同旗僧額德順治二年從定山西至高長坡遇賊力戰陣歿贈加一雲騎尉

瑪奮姓博爾濟錦隸正藍旗滿洲順治初從入關二年從征浙江江南屢立戰功嗣與賊戰于會稽

陣亡贈加一雲騎尉

鑲藍旗滿洲

穆克譚姓戴佳隸鑲藍旗滿洲世居哈達之杭澗
太祖創業之初從其父率屬來歸每從征伐必前驅穆克
譚從子鄂爾諾與孟庫之父查海瑚碩二人叛歸
哈達穆克譚父及四兄追之俱歿於陣穆克譚隻
身追擊執而殺之天命元年我師征瓦爾喀舒寨
阿爾瑚達進戰不利孟庫噶哈二人先走穆克譚

怒同燕布理等八人直入賊陣賊皆披靡舒賽阿爾瑚達得免師還

太祖治孟庫噶哈之罪奪其所獲以賜穆克譚天命六年從征明耀州先登克其城遂駐防焉時有蒙古叛去我兵十九人追及之與戰不利穆克譚策馬大呼刺首逃者海色餘皆潰叙功授二等男世職

太宗即位擢置十六大臣之列天聰元年從征朝鮮兩以先登獲賞五年從圍錦州穆克譚徑抵城濠舍騎

步戰追敵入濠敵兵矢礮齊發我兵不得前穆克
譚鏖戰死贈一等男世職順治十二年追諡忠勇
特音珠姓完顏隸鑲藍旗滿洲

國初率族來歸

太祖令蕙管六佐領事授備禦世職屢從征討宣力戎行
創痕滿體多著勲勞累任至副將後以創發卒子
多貝天聰五年隨大軍征明攻大凌河城內敵兵
突出多貝身先士卒戰歿

覺羅謨海隸鑲藍旗滿洲世居雅爾古初以戰功
授備禦天命六年從破明兵于耀州天聰六年征
明錦州奮勇力戰陣亡贈叅領

雅穆布拉姓瓜爾佳隸鑲藍旗滿洲

太祖時來歸授備禦職天命六年從征明攻瀋陽城力戰
陣亡贈遊擊其孫噶達琿康熙中從征叛鎮王輔
臣戰歿于平涼又同旗哈穆嘉天聰二年征明
圍錦州至松山往戰截敵路遇敵敗之進圍杏山松

山三敗敵衆崇德六年隨圍錦州克其外城復擊
明洪承疇三營步兵奮勇勦殺歿于陣追贈佐
領又同旗覺羅布爾海亦以天聰五年征明大凌
河擊明監軍道張春兵身先士卒力戰陣亡贈備
禦

卓納隸鑲藍旗滿洲世居哈達

國初來歸

太祖賜姓覺羅授佐領天聰五年八月從征明大凌河圍

錦州我師四面進戰城內敵兵突出卓納身先衆
軍奮擊陣亡贈備禦其孫碩倫於順治六年征叛
鎮姜瓖攻左衛陣亡

輝蘭娃舒舒覺羅謙鑲藍旗滿洲天聰五年從征明攻大凌河
繫明監軍道張春兵隨肅殺入大破其衆六年從征察
哈爾入明邊圍大同畧五臺山一帶攻土堡先登
克之崇德五年九月從征明敗杏山兵有功六年
從擊明洪承疇三營步兵奮身直前殺入敵陣既

出復進擊遂歿于陣贈佐領世職

愛賽姓納喇隸鑲藍旗滿洲天聰三年從征明燕京有功五年攻明大凌河連敗敵兵復擊明監軍道張春兵領燾殺入力戰陣亡贈佐領

圖捫姓西林覺羅隸鑲藍旗滿洲父屯台

太祖時來歸妻以覺羅尊屬女授佐領圖捫襲職屢從五大臣征伐有功天聰五年隨征明大凌河首先敗敵明監軍道張春率衆數萬來援鋒甚銳圖捫復

身先迎擊敵營火礮齊發中圖捫股股斷一筋未
絕奮勇自若堅壁不退待我軍繼進卒破明兵

太宗聞之命鄭親王濟爾哈朗往視對曰吾傷重不復能
乘馬殺敵乞王奏請使為吾截去股以油炙之雖
殘廢猶堪為

朝廷司閭也是夕竟卒

太宗軫悼贈備禦世職

阿爾岱姓覺爾察隸鑲藍旗滿洲安費揚古第四

子也天命六年率師駐防耀州有明兵來犯擊敗其軍嗣屢從征伐戮力戎行以功授備禦世職天聰五年從征明大凌河城內兵突出阿爾岱身先士卒奮勇衝殺遂歿于陣贈世職三等叅領

福成額隸鑲藍旗滿洲世居卦勒索以地為姓父布雅哩于天命九年率弟兄來歸

太祖招撫沙布圖未降布雅哩率衆往說即來歸天聰九年以叅領隨征黑龍江俘獲甚衆福成額于康熙

中隨征湖廣屢有功嗣至烏爾會以衆寡不敵
力戰陣亡

特賜祭葬銀加優贈

孟徙姓戴佳隸鑲藍旗滿洲世居哈達之杭澗初
率屬來歸

太祖授以佐領崇德二年從征瓦爾喀什力戰陣歿

噶布碩姓倉佳隸鑲藍旗滿洲世居吉林崇德三
年征明攻靈壽先登遂歿于陣贈佐領其弟錫奇

納順治三年勦山東土賊乘夜往擊中流矢歿敦
達禮者噶布碩弟噶布喀之子也康熙十八年征
逆孽吳世璠至湖廣長沙力戰陣亡俱贈雲騎尉
武達納姓紐翁金隸鑲藍旗滿洲世居輝發任叅
領崇德三年從征明攻寶坻先登六年圍錦州夜
戰克其外城八年攻薊州身先士卒力戰歿于陣
贈佐領世職

覺羅噶思哈隸鑲藍旗滿洲崇德四年從征索倫

部多俘獲又追逃叛噶凌阿三與之遇歿于陣贈
遊擊世職

穆鼐隸鑲藍旗滿洲任佐領崇德四年同征索倫
部適敵兵圍海蘭村我師突圍殺入穆鼐以殿後
力戰而歿贈佐領世職

棟阿姓烏札拉隸鑲藍旗滿洲世居卦勒察崇德
八年征明山東攻館陶先登為敵所殺贈佐領其
子福拉塔於康熙中勦賊鄱陽湖中歿歿贈雲騎尉

羅多禮姓瓜爾佳隸鑲藍旗滿洲世居尚陽堡順治七年奉

命招撫甘肅為白帽賊所殺其次子諾穆齊亦于康熙中

勦逆藩吳三桂奮勇擊賊陣歿

圖爾哈圖隸鑲藍旗滿洲宗德八年從征明攻定州奮勇先登中傷而歿贈佐領同旗有莽廓姓尼拉世居葉赫順治元年從入關擊流賊力戰陣亡贈佐領世職

烏拉納隸鑲藍旗滿洲順治元年隨入關屢立戰功二年

征流寇至湖廣攻武岡木城力戰而歿贈雲騎尉

覺羅科賚隸鑲藍旗滿洲世居葉赫父韋泰什崇德間從
攻明薊州陣亡康熙十五年科賚隨征逆藩吳三桂至湖
廣攻長沙在平江臺奮勇擊賊歿于戰贈雲騎尉

鑲黃旗蒙古

三晉姓庫勒特隸鑲黃旗蒙古崇德三年隨征明
至山東攻荏平先登被傷而歿贈佐領

扈護姓博爾濟隸鑲黃旗蒙古崇德三年以護軍

校從征明至直隸豐潤還將出邊遇敵陣亡贈佐領

克什特姓錫拉隸鑲黃旗蒙古崇德八年從征明山東有功六年隨攻大同中礮陣亡八年加贈雲騎尉同旗有布齊以護軍校隨征錦州陣歿

正黃旗蒙古

奇塔特偉徵姓博爾濟吉特隸正黃旗蒙古世居克魯倫鄂爾多斯哈爾濟農之族也天聰八年六月

率子弟來歸

賜緞衣一襲是月

太宗親征科爾沁駐蹕錫喇烏蘇河之南山岡竒塔特偉
徵率所部兵來會并獻酒殽馬匹因隨我軍往圍
錦州城內明兵突出來犯竒塔特偉力戰歿于
陣追授三等男

索諾瑪阿布拉庫隸正黃旗蒙古初從征明攻松
山時克敵有功崇德六年復隨取錦州遇敵猝至

呼噪衝入陣寨轟而歸尋隨擊明經畧洪承疇軍
奮勇力戰陣歿贈佐領

揆澄姓齊岳噶穆特隸正黃旗蒙古天聰三年隨
征明至通州敵兵來犯擊敗之又犯明經畧盧象
昇軍旋掠興安斬獲甚多崇德六年從征明圍錦
州明經畧洪承疇合兵來援立步卒三營擊敗之
又敗其騎兵七年以善戰有功加優叙順治二年
以係

太宗舊臣加世職佐領嗣遇

恩詔加二等輕車都尉任副都統十一年征湖南遇偽秦
王孫可望於岔路口力戰陣亡加贈世職一等輕
車都尉

武京隸正黃旗蒙古天聰三年從征明至通州遇
敵擊敗之又敗明經畧盧象昇軍六年從征察哈
爾至興安嶺喀倫斬獲甚衆崇德六年從征明圍
錦州敗敵有功順治二年以係

太宗舊臣加佐領世職嗣遇

恩詔加二等輕車都尉是年隨敬謹親王尼堪征湖廣至
岔路口遇偽秦王孫可望兵奮勇進擊歿於陣加
贈一等輕車都尉

羅理姓鄂爾心隸正黃旗蒙古天聰八年自察哈
爾攜戶口來歸授一等叅領世職崇德三年隨征
明擊敗明密雲兵六年隨征明錦州圍其城城中
軍出戰我師不利退保壕塹羅理亦以堅守汎地

奮力拒戰陣亡加贈副都統世職

正白旗蒙古

充固姓塔巴努齊科隸正白旗蒙古天聰三年從
征明攻雄縣克之崇德三年從擊明兵破之出邊
復敗敵于董家口八年從征明攻任邱先登

賜號巴圖魯以功授佐領世職順治元年從入關以後隊
從征流賊屢破之任戶部理事官五載考滿加世
職三等輕車都尉疊遇

恩詔加一等輕車都尉兼一雲騎尉從定南王孔有德征
湖廣戰于衡州陣亡贈三等男

正紅旗蒙古

海碩隸正紅旗蒙古天聰六年征明至大同攻德
興堡奮勇先登陣亡贈佐領

恩格伊隸正紅旗蒙古任佐領崇德七年三圍錦
州及進攻塔山俱在事有功順治元年從入關破
流賊李自成二十萬衆恩格伊奮勇進擊遂歿于

陟贈騎都尉

鑲白旗蒙古

沙哩布姓博爾濟吉特崇德二年自察哈爾率丁壯百餘來歸使轄之為佐領隸鑲白旗蒙古尋授一等侍衛任叅領順治五年擢副都統九年擢都統授雲騎尉世職時流賊張獻忠餘黨孫可望李定國劉文秀竄匿黔蜀間假擁戴明桂王朱由榔為名與其將盧明臣馮雙禮等侵掠湖廣十年沙

哩布朮

命偕寧南大將軍辰泰鎮守湖南十二年劉文秀盧明臣
馮雙禮等以數萬衆分犯岳州武昌沙哩布設伏
邀擊之賊大敗復犯常德戰艦千餘蔽江而下沙
哩布六戰皆捷縱火焚其艦明臣赴水死雙禮被
創遁文秀走桃源窮竄至貴州十五年從信郡王
多尼征雲南由柳奔永昌明年敗其將白文選于
玉龍關由柳遂奔騰越我師躡之渡潞江定國踞

磨盤山拒戰沙哩布前驅遇伏力戰歿于陣喪還

遣官致祭

賜祭葬謚襄壯晉騎都尉世職子多爾濟襲後以次停襲

乾隆十五年

詔核八旗世職以死事卹叙而襲次已滿者乃復錄
沙哩布曾孫德明為恩騎尉世襲罔替

鑲紅旗蒙古

特木爾姓科爾伯蘇隸鑲紅旗蒙古崇德元年以

三等叅領隨征朝鮮歿于陣贈佐領

童爾阿姓巴林隸鑲紅旗蒙古崇德六年隨征明

錦州與明經畧洪承疇三營兵戰陣亡贈佐領世

職

僧格姓巴林隸鑲紅旗蒙古崇德六年隨圍明錦

州城內兵突出僧格奮力抵禦歿于陣贈三等叅

領世職

索羅岱姓翁鄂羅特隸鑲紅旗蒙古崇德七年從

征明畧山東以雲梯攻費縣先登歿贈佐領

正藍旗蒙古

宜穆圖姓博爾克隸正藍旗蒙古世居教漢崇德
三年隨征明攻敵于三河順治元年從入關敗流
賊于慶都又敗之潼關皆在事有功十一年隨
征湖廣至衡州陣亡加贈一等輕車都尉同旗蒙
古陣亡者烏孫泰

圖薩姓烏朗罕濟勒敏隸正藍旗蒙古初任佐領

順治元年從入關擊流賊於山海關中礮死贈佐領世職

蒙格圖姓錫額禮隸正藍旗蒙古世居葉赫順治初屢立戰功十四年隨征福建至廈門遇海賊鄭成功戰歿於蓋山寺贈雲騎尉

鑲藍旗蒙古

齊薩穆姓烏努古台隸鑲藍旗蒙古崇德元年來歸授三等叅領從征明錦州及下山東皆屢立戰

功八年隨攻薊州中礮歿贈世職一等叅領

肯哲姓錫魯克隸鑲藍旗蒙古官佐領崇德七年
從征明圍錦州明經略洪承疇以兵冒雨來犯擊
敗之又敗其三營步兵順治元年隨入關十年從
征湖南擊賊于衡州戰歿加贈一等輕車都尉
佟噶爾姓巴林隸鑲藍旗蒙古崇德三年從征山
東戰歿於陣贈佐領世職

色赫姓穆勒濟隸鑲藍旗蒙古世居哈達任佐領

崇德七年從征明園錦州隨擊明經畧洪承疇兵
敗其衆順治三年從南征圍浙之平湖中鎗歿贈
雲騎尉

綽克托姓烏朗哈濟拉默隸鑲藍旗蒙古任佐領
崇德八年隨征明以雲梯攻牆子嶺中矢歿順治三
年贈佐領世職

欽定盛京通志卷八十五